



Data: 14 de maio de 2019	
ASPIRANTE	
Nome e apelidos:	Sinatura:
DNI:	
Consistirá en contestar por escrito, un cuestionario tipo test de 50 preguntas, con 4 respostas alternativas nun tempo máximo de 90 minutos. Puntuarase de 0 a 10 puntos, sendo necesario obter un mínimo de 5 puntos para superalo. Cada resposta acertada puntuarse con 0,2 puntos, descontando cada pregunta errónea con 0,10 puntos.	

1.- ¿Quén convoca as sesións do pleno nun concello?

- A) O alcalde.
- B) A xunta de goberno local.
- c) Os tenentes de alcalde.
- d) A comisión especial de contas.

2.- Indique cal das seguintes afirmacións é falsa, respecto ó padrón de habitantes:

- a) o padrón municipal é o rexistro administrativo onde constan os veciños dun municipio.
- b) os seus datos constitúen proba da residencia no municipio e do domicilio habitual no mesmo.
- c) toda persoa que viva en españa está obrigada a inscribirse no padrón do municipio no que resida habitualmente.
- d) non existe a obriga de inscribirse no padrón do municipio no que se resida habitualmente.

3.- A xunta de goberno local estará integrada:

- a) polo alcalde soamente.
- b) polo alcalde, que a preside, e os concelleiros nomeados libremente por él como membros da mesma.
- c) polos concelleiros da oposición.
- d) polo secretario e o interventor, administrativos e resto de persoal do concello.

4.- ¿Quén é o órgano competente para a aprobación da ordenanza fiscal reguladora do prezo público polo servizo de axuda no fogar nun concello?

- a) o alcalde.
- b) o pleno.
- c) a comisión de contas.
- d) é aprobada polo goberno en consello de ministros.

5.- Clases de persoal ao servizo das corporacións locais:

- a) funcionarios de primeira e de segunda.
- b) persoal laboral soamente.
- c) funcionarios de carreira, funcionarios interinos, persoal laboral e persoal eventual.
- d) funcionarios temporais, interinos e de carreira.



6.- ¿Qué recurso administrativo procede contra a resolución de alcaldía pola que se desestima o servizo de axuda no fogar?

- a) recurso de alzada.
- b) recurso contencioso-administrativo.
- c) abstención e recusación.
- d) recurso potestativo de reposición.

7.- De conformidade co disposto no artigo 68 da lei 39/2015, do 1 de outubro, de procedemento administrativo común das administracións públicas, o prazo para subsanar unha solicitude será de:

- a) 10 días hábiles.
- b) 20 días hábiles.
- c) 1 mes.
- d) 2 meses.

8.- Os interesados nun procedemento administrativo terán dereito (indique a resposta falsa)

- A) a comunicarse coas administracións públicas a través dun punto de acceso xeral electrónico da administración.
- b) a ser asistidos no uso de medios electrónicos nas súas relacións coas administracións públicas.
- c) a non ser tratados con respecto e deferencia polas autoridades e empregados públicos.
- d) a esixir as responsabilidades das administracións públicas e autoridades, cando así corresponda legalmente.

9.- A terminación do procedemento administrativo mediante acordos, pactos, convenios ou contratos entre as administracións públicas e persoas, tanto de dereito público como privado, recibe a denominación de:

- a) terminación convencional.
- b) silencio administrativo.
- c) caducidad.
- d) prescripción.

10.- Serán motivados, con sucinta referencia de feitos e fundamentos de dereito (indique a resposta falsa):

- a) os actos que resolvan procedementos de revisión de oficio de disposicións ou actos administrativos, recursos administrativos e procedementos de arbitraje e os que declaren a súa inadmisión.
- b) os actos que non limiten dereitos subxectivos ou intereses lexítimos.
- c) os acordos de aplicación da tramitación de urxencia, de ampliación de prazos e de realización de actuacións complementarias.
- d) os actos que rexeiten probas propostas polos interesados.



11- As estadias temporais en centros residencias con carácter xeral terán unha duración máxima anual de:

- a) Quince días, que se poderá prorrogar por un período máximo dun mes.
- b) Dous meses ao ano, podéndose fraccionar en períodos semanais ou quincenais.
- c) Dous meses, que se poderá fraccionar en períodos quincenais ou prorrogarse por un período máximo anual doutro mes.
- d) Doce meses

12- Teñen a consideración de prestacións económicas do sistema galego de servizos sociais as seguintes:

- a) As rendas de inclusión social.
- b) As axudas económicas a particulares para o fomento do acollemento familiar de menores de idade, de maiores e de persoas con discapacidade.
- c) As libranzas vinculadas á adquisición de servizos de atención a persoas en situación de dependencia.
- d) Todas son correctas.

13- Segundo o art. 44 do decreto 15/2010 de 4 de febreiro polo que se regula o procedemento para o recoñecemento da situación de dependencia, o programa de asignación de recurso (PAR), establecerá a prelación de acceso mediante a aplicación sucesiva dos seguintes criterios:

- a) A igual grao de dependencia, terase en conta a menor capacidade económica
- b) A igual grao de dependencia, terase en conta a posible inexistencia de rede social de apoio
- c) A igual grao de dependencia, terase en conta a idade do beneficiario
- d) A maior grao de dependencia. A igual grao de dependencia, terase en conta a non percepción doutra prestación ou servizo

14- En que caso/s resulta a renda de integración social de Galicia (RISGA) incompatible:

- a) Coas pensións non contributivas ou con calquera outra prestación ou pensión de contía unicamente superior ao das devanditas pensións
- b) Para aquelas persoas que teñan a idade mínima establecida para poder solicitar unha pensión non contributiva de xubilación
- c) A e B son correctas
- d) A e B son falsas

15-¿A que nos referimos cando falamos de encontro e cooperación de dúas ou máis disciplinas aportando cada unha delas a súa forma de definir os problemas?

- a) Multidisciplinariedade
- b) Interprofesionalidade
- c) Interdisciplinariedade
- d) Multiprofesionalidade



16-Son principios que fundamentan a acción voluntaria según a normativa de la Comunidad Autónoma de Galicia en materia de acción voluntaria

- a) Participación, implicación, solidaridade, liberdade, colaboración e complementariedade
- b) Participación, solidaridade, liberdade, complementariedade, gratuidade, non discriminación, autonomía e independencia, eficiencia, igualdade de oportunidades e accesibilidade.
- c) Todas las respuestas anteriores son correctas
- d) Todas as respostas son falsas.

17- Os programas e actividades para previr a exclusión de grupos vulnerables de características homoxéneas a facilitar a súa inserción e normalización social son desenvolvidos por:

- a) Os servizos sociais comunitarios básicos
- b) Os servizos sociais comunitarios específicos
- c) Os servizos sociais especializados
- d) Os servixos sociais comunitarios

18- O Servizo de axuda no fogar (SAF) non intensivo será compatible co Servizo de atención diúrna (AD) non intensivo para unha persoa recoñecida cun grao III de dependencia, en que intensidade?:

- a) ata 35 horas/mes
- b) ata 23 horas/mes
- c) non existe esa posibilidade
- d) ata 70 horas /mes

19- Segundo o establecido no artigo 31º do Decreto 99/2012 as deputacións provinciais apoiarán prioritariamente o financiamento do SAF básico así como o financiamento para a contratación de persoal técnico dos equipos municipais de servizos sociais comunitarios con perfís profesionais diferentes e complementarios ao do profesional de referencia que se regula no artigo 37 do mesmo decreto.

- a) aos concellos de menos de 5.000 habitantes
- b) aos concellos de menos de 20.000 habitantes
- c) a todos os concellos de Galicia
- d) Todas son incorrectas

20- Según o artigo 41º do Decreto 99/2012 serán financiáveis os seguintes gastos:

- a) Gastos derivados da retribución do persoal adscrito a ditos servizos.
- b) Gastos derivados da prestación do servizo de axuda no fogar, na súa modalidade de prestación básica.



- c) Gastos derivados da prestación do servizo de axuda no fogar na súa modalidade de atención a persoas valoradas como dependentes.
- d) Todas as respostas son correctas.

21- Un dos requisitos xerais de acceso á Renta de Inclusión Social de Galicia é:

- a) Estar empadroado en calquera municipio da comunidade autónoma galega alo menos seis meses inmediatamente anteriores á presentación da solicitude.
- b) Estar empadroado en calquera municipio da comunidade autónoma de Galicia alo menos doce meses inmediatamente anteriores á presentación da solicitude.
- c) Estar empadroado en calquera municipio galego.
- d) O requisito de empadroamento non é un dos requisitos xerais de acceso á renda de inclusión social de Galicia.

22- As axudas de inclusión social,

- a) Son prestacións económicas periódicas destinadas a sufragar gastos extraordinarios e urxentes.
- b) Son prestacións económicas non periódicas.
- c) Son prestacións económicas ordinarias.
- d) Son prestacións económicas destinadas unicamente a sufragar os gastos derivados da cobertura das necesidades básicas.

23- O prazo establecido normativamente para a presentación da xustificación dos proxectos anuais de servizos sociais comunitarios será ata:

- a) 1 de marzo de cada ano
- b) 15 de marzo de cada ano
- c) 31 de marzo de cada ano
- d) 31 de decembro de cada ano

24- Terán dereito á pensión de invalidez da Seguridade Social, na súa modalidade non contributiva, as persoas que cumplan os seguintes requisitos:

- a) Ser maior de dezoito anos e menor de sesenta e sete anos de idade na data da solicitude.
- b) Estar afectados por unha discapacidade nun grao igual ou superior ao 65 por cento.
- c) Estar afectados por unha discapacidade nun grao igual ou superior ao 45 por cento.
- d) As respostas A e B son correctas.

25- ¿Qué tipo de incapacidade laboral é aquela que inhabilita para a realización de todas ou as tarefas fundamentais da súa profesión pero non lle impiden adicarse a outra distinta?

- a) A incapacidade permanente absoluta



- b) A Incapacidade permanente total
- c) A gran invalidez
- d) A incapacidade permanente parcial

26- A duración inicial de la RISGA será

- a) Dous anos
- b) Será outorgada en canto subsistan as causas que motivaron a concesión
- c) De forma indefinida ata que se consegue a reinserción da persoa
- d) Un ano

27- A prestación económica periódica para mulleres que sofren violencia de xénero...

- a) É unha axuda económica destinada directamente á beneficiaria, de carácter periódico, ata un máximo de 12 mensualidades.
- b) A solicitante deberá manter soamente no momento da solicitude e ata que se resolva esta, os requisitos exigidos.
- c) A contía establécese en función das rentas e ingresos da solicitante en relación co IPREM
- d) A e C son correctas

28- ¿A qué recurso nos referimos cando falamos dunha entidade carente de personalidade xurídica e carácter permanente que proporciona asesoramento xurídico, atención psicolóxica e orientación sociolaboral ás mulleres?

- a) Aos Centros de Información á muller (CIM)
- b) Aos centros de inclusión da muller
- c) Áos centros de emerxencia para mulleres que sofren violencia de xénero (CEMVI)
- d) Aos centros de recuperación integral para mulleres que sofren violencia de xénero (CRI)

29- A lei de SS.SS de Galicia estrutura o sistema de SS.SS en:

- a) SS.SS comunitarios básicos, específicos e SS.SS especializados
- b) En forma de rede
- c) En niveis de actuación
- d) Todas son correctas

30- Dentro do Sistema para a Autonomía e Atención á Dependencia priorizará:

- a) Os servizos privados ou concertados.
- b) A prestación de servizos sempre que se dispoña de oferta pública.
- c) As prestacións económicas.
- d) Todas as respostas anteriores son correctas.



31- O Consello Xeral de Colexios Oficiais de Diplomados en Traballo Social e Asistentes Sociais, definiu o informe social como:

- a) O documento no que se rexistran exhaustivamente os datos persoais, familiares, sanitarios, de vivenda, económicos, laborais, educativos e outros datos significativos da situación sociofamiliar da persoa usuaria, a demanda, o diagnóstico e subseguinte intervención e a evolución de tal situación.
- b) O instrumento que contribúe a elaboración dun diagnóstico social axudando a identificar e valorar situación sociais.
- c) A síntese explicativa, respecto dunha situación dada, que emite a traballadora ou traballador social como resultado do estudo, valoración e ditame para o logro dun obxectivo determinado.
- d) É un instrumento de descrición das relacións da familia co seu entorno, co fin de valorar as relacións sociais e recursos que utiliza unha familia.

32- Sinala, de entre as seguintes alternativas, que é o SIUSSGAL:

- a) Conxunto de información e documentos en formato electrónico nos cales se conteñen os datos, valoracións e informacións de calquera situación de atención social.
- b) A ficha social informatizada que permite recoller os datos básicos e obter a información estatística sobre os usuarios dos servizos sociais comunitarios.
- c) É unha ferramenta informática que trata de obxectivar a valoración da situación dunha persoa nun momento concreto e facilitar a avaliación das intervencións.
- d) É unha aplicación informática para a recollida de información que permite a construción de indicadores para medir os esforzos aplicados no funcionamento do Servizo.

33- Indica, de entre as seguintes alternativas, cal é a Lei de Servizos Sociais de Galicia?

- a) Lei 13/2008, de 3 de decembro, de servizos sociais de Galicia.
- b) Lei 13/2008, de 13 de decembro, de servizos sociais de Galicia
- c) Lei 13/2008, de 23 de decembro, de servizos sociais de Galicia.
- d) Lei 13/2009, de 13 de decembro, de servizos sociais de Galicia.

34- Con carácter xeral, a idade para ter dereito a solicitar unha Renda de inclusión social de Galicia é de:

- a) Ter máis de 18 anos e menos de 65 anos.
- b) Ter máis de 21 anos e menos de 60 anos.
- c) Ter máis de 25 anos e menos de 65 anos.
- d) Ter máis de 30 anos e menos de 65 anos.



35- Dentro do Sistema para a Autonomía e Atención á Dependencia establece o sistema de incompatibilidades de prestacións, e di que:

- a) As prestacións económicas serán incompatibles entre sí e cos servizos do catálogo.
- b) As prestacións económicas serán incompatibles entre sí e cos servizos do catálogo, salvo cos servizos de prevención das situacións de dependencia, de promoción da autonomía persoal, de axuda no fogar e de teleasistencia.
- c) As prestacións económicas serán incompatibles entre sí e cos servizos do catálogo, salvo cos servizos de prevención das situacións de dependencia, de promoción da autonomía persoal e de teleasistencia.
- d) As prestacións económicas son compatibles entre sí, excepto co servizo de atención residencial e a libranza vinculada a adquisición dun servizo de atención residencial.

36- A normativa que desenvolve a Renda de Integración Social de Galicia, é:

- a) Lei 10/2013, de 17 de decembro, de inclusión social de Galicia.
- b) Lei 10/2013, de 27 de decembro, de inclusión social de Galicia.
- c) Lei 10/2013, de 17 de novembro, de inclusión social de Galicia.
- d) Lei 10/2013, de 27 de novembro, de inclusión social de Galicia.

37- Considérase familia numerosa a integrada por:

- a) Un ou dous ascendentes con dúas fillas/os, sexan ou non comúns, sempre que polo menos un deles sexa discapacitado ou estea incapacitado para traballar.
- b) O pai ou nai con dous fillos, cando teña falecido o outro proxenitor/a.
- c) O pai ou a nai separados ou divorciados, con tres ou máis fillos, sexan ou non comúns, aínda que estean en distintas unidades familiares, sempre que se encontren baixo a súa dependencia económica aínda que non vivan no domicilio conxugal.
- d) Todas son correctas

38- Ten a consideración de consumidor en risco de exclusión social para o acceso ao bono social eléctrico:

- a) Quen reúna os requisitos para ser consumidor vulnerable severo e que sexa atendido polos servizos sociais dunha Administración autonómica ou local que financie polo menos o 50 % da factura.
- b) Quen cumprindo os requisitos para ser considerado consumidor vulnerable, o consumidor e, no seu caso, a unidade familiar á que pertenza teñan unha renda anual inferior ou igual ao 50% dos limiares establecidos, incrementados no seu caso, en 0,5.
- c) Ser consumidor persoa física titular dun punto de suministro de electricidade na súa vivenda habitual con potencia contratada igual o inferior a 10 kW e estar acollido/a ao prezo voluntario para o pequeno consumidor (PVPC) e non en mercado libre.
- d) Todas son incorrectas.



39- Considérase familia numerosa, con categoría especial:

- a) As de tres ou máis fillos/as e as de catro fillos/as, dos cales polo menos tres procedan de parto, adopción ou acollemento permanente ou preadoptivo múltiples.
- b) As de cinco ou máis fillos e as de catro fillos dos cales polo menos tres procedan de parto, adopción ou acollemento permanente ou preadoptivo múltiples
- c) As de catro ou máis fillos/as, dos cales polo menos tres procedan de parto, adopción ou acollemento permanente ou preadoptivo múltiples.
- d) As de cinco ou máis fillos/as, dos cales polo menos tres procedan de parto, adopción ou acollemento permanente ou preadoptivo múltiples.

40- Pódese definir un Centro de Día como:

- a) Un centro xerontolóxico socio-terapéutico e de apoio as familias que durante o día prestan atención terapéutica integral e plural ás persoas maiores con dependencia ou en grave risco de padecela, promovendo a súa autonomía persoal, a actividade relacional e a permanencia no contorno habitual.
- b) Un centro que proporciona con carácter permanente unha atención integral nun ambiente personalizado aos maiores que no momento do seu ingreso presentan unha situación de dependencia leve ou moderada.
- c) Un centro que agrupa a prestación en común de servizos colectivos, e con capacidade para albergar a persoas con certo grao de autovalemento.
- d) Un centro destinado ao aloxamento, temporal ou permanente, con servizos e programa de intervención adecuados ás necesidades das persoas obxecto de atención, dirixida a consecución dunha mellor calidade de vida e a promoción da súa autonomía persoal.

41- A intensidade do servizo de axuda no fogar, no marco do Sistema para a Autonomía e Atención á Dependencia, para as persoas que teñen recoñecido un grao II de dependencia é de:

- a) De 21 a 46 horas ao mes.
- b) De 25 a 45 horas ao mes.
- c) De 21 a 45 horas ao mes.
- d) De 30 a 45 horas ao mes.

42- Con carácter xeral, poderán ser usuarios/as do Servizo Galego de Apoio á Mobilidade Persoal as persoas que teñan recoñecida a imposibilidade de utilización de transporte público colectivo, motivada pola súa situación de dependencia ou discapacidade, e ademais que teñan:

- a) Recoñecida a situación de dependencia en calquera dos seus graos conforme a normativa que sexa de aplicación ou ter recoñecido, conforme a normativa aplicable, un grao de discapacidade igual ou superior ao 33%.



- b) Recoñecida a situación de dependencia en calquera dos seus graos conforme a normativa que sexa de aplicación ou ter recoñecido, conforme a normativa aplicable, un grao de discapacidade igual ou superior ao 65%.
- c) Recoñecida a situación de dependencia en calquera dos seus graos conforme a normativa que sexa de aplicación ou ter recoñecido, conforme a normativa aplicable, un grao de discapacidade igual ou superior ao 75%.
- d) Todas as respostas anteriores son incorrectas.

43- Sinala a resposta incorrecta. Terán a condición de usuarios/as do servizo de Teleasistencia Social no Fogar, dependente da Diputación Provincial de Lugo, aquelas persoas que cumpran os seguintes requisitos:

- a) Estar en situación de necesidade, vulnerabilidade ou risco por razóns sociais (idade, nivel de renda, locación da vivenda, etc...) ou sanitarias (discapacidade, enfermidades, sexas estas de carácter crónico ou transitorio, etc..).
- b) Ter recoñecida unha situación de dependencia no marco da Lei 39/2006, do 14 de decembro, de promoción da autonomía persoal e atención ás persoas en situación de dependencia.
- c) Ter liña telefónica e subministración de enerxía eléctrica no domicilio no que se ten que implantar o servizo.
- d) Non padecer limitacións ou incapacidades que impidan entender e usar axeitadamente os dispositivos do Servizo de Teleasistencia Social no Fogar.

44- As resolucións denegatorias por non recoñecerse ningún grao de discapacidade ou un grao de discapacidade inferior ao 33%, levará consigo a limitación temporal de:

- a) Un ano para formular unha nova solicitude salvo que se acredite erro no diagnóstico ou na aplicación do baremo.
- b) Dous anos para formular unha nova solicitude salvo que se acredite erro no diagnóstico ou na aplicación do baremo.
- c) Un ano para formular unha nova solicitude salvo que, con anterioridade a dito período, se acredite erro no diagnóstico, na aplicación do baremo ou ben que a súa situación clínica variou substancialmente.
- d) Dous anos para formular unha nova solicitude salvo que, con anterioridade a dito período, se acredite erro no diagnóstico, na aplicación do baremo ou ben que a súa situación clínica variou substancialmente.

45- Sinala a resposta incorrecta. Poderán ser beneficiarias do Programa Xantar na Casa, as persoas empadroadas e que sexan residentes no concello, que cumpran os seguintes requisitos:



- a) Persoas maiores de 60 anos, que teñan limitada a súa capacidade de autonomía persoal, e sen rede de apoio que puidera suplir tal situación.
- b) Persoas dependentes maiores de 60 anos que teñan limitada a súa capacidade de autonomía persoal e requiren de axuda para a preparación de alimentos.
- c) Persoas menores de 60 anos en situación de exclusión social, tecnicamente avaliada polos servizos sociais do Concello.
- d) Persoas dependentes, que carezan de apoio familiar, e requiren de axuda para a preparación de alimentos.

46- Os perceptores dunha pensión non contributiva deberán realizar a Declaración Individual cunha periodicidade:

- a) Semestral.
- b) Trimestral.
- c) Anual.
- d) Non é preciso que a presenten unha vez recoñecida.

47- Quen pode solicitar o Carné Familiar Galego:

- a) Os membros de familias numerosas
- b) As familias que teñan menores a cargo
- c) Calquera tipo de familia que resida na Comunidade autónoma galega
- d) Todas son incorrectas

48- A prestación económica de pagamento único por cada fillo ou filla menores de 3 anos, sen que a mesma fillo/a poida dar lugar a máis dunha prestación, establece a contía seguinte cando sexa o/a primeiro/a fillo/a de:

- a) 2.400 euros.
- b) 1.200 euros
- c) 360 euros
- d) 180 euros.

49 - ¿Unha vez declarada a tramitación dun expediente de valoración de dependencia pola vía de emerxencia, en que prazo, a unidade xestora competente proporcionará o acceso ao recurso determinado como modalidade de intervención máis adecuada?

- a) 48 horas dende a declaración de emerxencia
- b) 20 días hábiles desde que a solicitude tivo entrada no rexistro do órgano competente para resolvelo.
- c) 10 días hábiles desde a data da resolución do grao de dependencia.
- d) Todas as respostas anteriores son incorrectas.



50.- Sinale a resposta incorrecta. Segundo o Código Civil, estarán suxeitos a tutela:

- a) Os menores non emancipados que non estean baixo a patria potestade.
- b) Os incapacitados, cando a sentenza o establecera.
- c) Os suxeitos á patria potestade, ó cesar esta, cando proceda tamén a curatela.
- d) Os menores que se atopen en situación de desamparo.

Reserva:

51.- A tarxeta de estacionamento para persoas con mobilidade reducida

- a) Caducará aos 10 anos no caso de que a cualificación de discapacidade sexa definitiva.
- b) Caducará cando transcorra o prazo que indique a cualificación de discapacidade no caso de que esta sexa provisional.
- c) as respostas a e b son incorrectas.
- d) as respostas a e b son correctas.

52.- Considéranse persoas beneficiarias das tarxetas de accesibilidade:

- a) Persoas con mobilidade reducida, segundo o baremo establecido no Real Decreto 1971/1999, do 23 de decembro, de procedemento para o recoñecemento, a declaración e a cualificación do grao de discapacidade.
- b) Persoas que teñan recoñecida unha discapacidade visual que implique un grao das limitacións na actividade igual ou superior ao 75%.
- c) Persoas con recoñecemento da situación de dependencia en calquera dos graos establecidos.
- d) As respostas a e b son correctas.

1	A
2	D
3	B
4	B
5	C
6	D
7	A
8	C
9	A
10	B
11	B
12	D
13	D
14	B
15	C
16	A
17	B
18	A
19	B
20	D
21	A
22	B
23	C
24	B
25	B
26	D
27	D
28	A
29	D
30	B
31	C
32	B
33	A
34	C
35	C
36	D
37	D
38	A
39	B
40	A
41	C
42	C
43	B
44	D
45	B
46	C
47	A
48	C
49	A
50	C
51	D
52	D

